



SALA STAMPA DELLA SANTA SEDE
BOLLETTINO

HOLY SEE PRESS OFFICE BUREAU DE PRESSE DU SAINT-SIÈGE PRESSEAMT DES HEILIGEN STUHLS
OFICINA DE PRENSA DE LA SANTA SEDE SALA DE IMPRENSA DA SANTA SÉ
BIURO PRASOWE STOLICY APOSTOLSKIEJ دار الصحافة التابعة للكرسي الرسولي

N. 0394

Martedì 14.05.2024

Missione e Lettera Pontificia all'Inviato Speciale del Santo Padre per la Celebrazione di chiusura dell'Anno Giubilare Verginiano, che si terrà presso l'Abbazia di Santa Maria in Montevergine (Domenica di Pentecoste 19 maggio 2024)

In data 22 marzo 2024 il Santo Padre ha nominato l'Em.mo Card. Arrigo Miglio Suo Inviato Speciale alla celebrazione di chiusura dell'Anno Giubilare Verginiano, che avrà luogo domenica di Pentecoste 19 maggio 2024 presso l'Abbazia di Santa Maria in Montevergine.

L'Inviato Speciale sarà accompagnato da una Missione Pontificia composta dai seguenti monaci:

1. Rev.mo Dom Donato Ogliari, O.S.B., Abate dell'Abbazia di San Paolo fuori le Mura;
2. Rev.mo Dom Loreto Maria Camilli, O.Cist., Abate dell'Abbazia di Santa Maria in Casamari.

Pubblichiamo di seguito la Lettera Pontificia all'Inviato Speciale, Em.mo Card. Arrigo Miglio:

Lettera del Santo Padre

Venerabili Fratри Nostro

HENRICO S.R.E. Cardinali MIGLIO

Tituli Sancti Clementis

Nongenti transierunt anni ab Abbatia Montisvirginis fundata, quae suae historiae decursu laeta et tristia, pulcherrima calamitosaque tempora vidit. Stabilis autem et providus ibidem Deiparae stat vultus, in perantiqua sancta imagine depictus, ad quem magno permoti affectu fideles cotidie accurrunt, turmatim suas necessitates et angustias suavi Mariae Virgini afferentes atque se in domos reversuros esse in exultatione manipulis gratiarum et consolationum opimos confidentes. Illa veneratissima effigies fidem vivificat etiam perillustris memoratae Abbatiae ab ascetico spiritu s. Gulielmi abbatis incliti Ordinis sancti Benedicti ortae, quae abhinc

novem saeculos fundata hoc tempore Annum lubilarem magno cum gaudio celebrat.

Cum interea proximo mense Maio claudetur dictus Annus lubilaris, inchoatus sollemniter die XXVIII mensis Maii anni MMXXIII, praesente sicuti Legato Pontificio Venerabili Fratre Nostro Petro S.R.E. Cardinali Parolin, Secretario Status, Venerabilis Frater Richardus Lucas Guariglia, Abbas Ordinarius Abbatiae territorialis Montisvirginis, humanissime rogavit ut Nos quendam eximium Purpuratum designaremus qui celebrationi lubilaei claudendi Nostro nomine praeesset atque verba spiritalis cohortationis pronuntiaret. Piae huic postulationi adnuere volentes, ad Te, Venerabilis Frater Noster, decurrimus qui, pietate ac spiritali fervore praeditus, ut providus ac diligens pastor emines, impiger ad fidelium bonum patrandum.

Te igitur hisce Litteris MISSUM EXTRAORDINARIUM Nostrum nominamus ad celebrationem de qua supra diximus, quae die XIX advenientis mensis Maii, in sollemnitate Pentecostes, in Abbatia Montisvirginis congruenti ritu agetur. Cohortabere omnes huius eventus participes ut renovatis viribus novoque studio vivam servent spem ad promissa Dei obtinenda, quippe qui huius lubilaei copiosa adepti sint spiritalia beneficia et miserentis Domini gratias, quae procul dubio in cotidiano sustinendo opere multum afferunt adiumenti.

Abbatem Ordinarium, cunctos fideles ibi congregatos, sacros Praesules, sacerdotes, religiosos viros mulieresque, publicas auctoritates et christifideles laicos, Nostro salutabis nomine Nostramque iis ostendens benevolentiam.

Nosmet Ipsi Te, Venerabilis Frater Noster, in tua missione implenda precibus comitabimur, Dei Matre Montisvirginis et sanctis Benedicto ac Gulielmo intercedentibus, Tibique Benedictionem libentes iam nunc impertimur, signum Nostrae erga Te benevolentiae et caelestium donorum pignus, quam omnibus celebrationis participibus rite transmittas volumus.

Datum Romae, Laterani, die XXX mensis Aprilis, anno MMXXIV, Pontificatus Nostrum duodecimo.

FRANCISCUS

[00810-LA.01] [Testo originale: Latino]
